

茗

齋

集

附明詩鈔

宋

書

卷

一

上

卷

二

下

卷

三

戴冠

遊竹墅

十里江風吹竹林。萬竿拂日座陰陰。主人不惜玉壺淺。客子翻疑金谷深。白晝水邊聞繫馬。清秋花底下鳴禽。山翁醉後且歸去。明日杖藜還獨尋。

黃佐

夢遊洞庭

瑤臺今夕侍宸遊。五色雲中駕彩虬。銀漢有章回紫極。碧天如幕護皇州。未央月轉芙蓉殿。太液波涵翡翠樓。欲奏霓裳先按舞。鳳笙吹徹洞庭秋。

雪後早朝

北風吹雪靜芳塵。雪霽千門麗色新。丹地祇聞鳴玉步。碧天疑
有散花人。寒光掩映龍樓曉。遲日熏成鳳沼春。歸向柳邊凝立
久。試裁巴曲和韶鈞。

朱豹

秋日遣懷

山堂虛敞泐寥天。客裏懷愁正黯然。籬菊吐時寒有信。鄉愁多
處酒無權。一庭吟思高梧外。千里音書落雁邊。坐久無端成獨
嘯。却因衰髮感流年。

曹嘉

寺前秋泛

湖上晴遊即鏡中。輕烟淡靄靜浮空。岸迴舟自蕪葭入。塔迥雲
從殿閣通。驚吹魚龍時出沒。傍筵鷗鷺晚西東。鳴橈更泛桃花
水。不辨秋林返照紅。

王健

樂清道中

雨晴驛路淨埃氛。鳥弄漁歌到處聞。山迴樹陰牽落照。江空帆
影亂行雲。天關四面樓臺出。地脈千重洞壑分。賸愛巖亭堪把
釣。洗心翻愧白鷗羣。

唐順之

上張相公

惟中運策九州清，共道留侯在漢京。
賜第近連平樂觀，入朝新給羽林兵。
儒生東閣承顏色，酋長西羌識姓名。
却望上台多氣象，年年常傍紫宸明。

寄周中丞備禦關口

牙旗高建白羊東，鼓角陰陰瀚海空。
雪後錦裘行塞外，月明清嘯滿樓中。
幕南五部思歸義，薊北諸軍盡立功。
燕頷書生人共羨，一朝投筆事平戎。

趙州懷古

千秋霸業銷沉盡，風俗猶傳趙武靈。
市上美人揮錦瑟，場中俠

客舞青萍雁門北去通沙磧鳥道西來入井陘欲向平原訪公
子蕭蕭賓館戶長扃

元夕詠冰燈

初憐火樹闌春妍忽見清暉逼夜闌出海蛟珠猶帶水涵堂羅
袖欲生寒燭花不煖空中影暈氣疑從月裏看為語東風暫相
借來宵猶得盡餘歡

山庄閒居

身名幸自謝籠樊白首為農誓不諼慣住山中知鹿性數行樹
下識禽言巾車每許鄰翁借書帙閒同道士翻醉後漸看松月
上滿村雞犬寂無喧

廣德道中

蒼山百轉見炊烟
茆屋高樓古樹顛
細雨薜蘿侵石徑
深秋稻稻滿山田
雲中望影迷遙岫
草裏聞聲覺暗泉
倘遇秦人應不識
只疑誤入武陵川

胡纘宗

泊胥口望太湖月下作

一年此夜月如晝
萬里茲行榻似浮
雲湧樓臺天上坐
樹圍簫鼓鏡中浮
兩山的、河初掛
百瀆盈、星欲流
况有玉堂徐學士
一聲長嘯洞庭秋

田汝成

山居雜興

溪居簡出意如何一任頽垣長薜蘿
蠶月閉門無客到花時對雨有鶯過
醫經欲定名方少琴譜曾翻雅調多
淺碧溪頭聞白鷺近人那復畏虞羅

楊循吉

初春山居還城却寄支硎僧院

好山不著詩人句辜負浮嵐翠滿空
梅子蜨花春事半雨聲追冷昨宵中
來尋茗椀梯幽閣却上籃輿別遠公
白髮漸添身老大何緣佳興逐東風

高叔嗣

東原晚望答李鴻漸

東原晚望草烟齊久卧無心出路迷
閒立秋風看木落獨行斜日聽烏啼
一官已謝於陵後百畝終開莘野西
此地故人應念我達人昨有數行題

莘察

過芙蓉別墅

養晦深山學老農每從白社悶閒踪
停舟試問門前柳載酒遠尋湖上峰
繞徑蒼烟生薜荔臨窓秋水濯芙蓉
幽居便是神仙宅辟穀寧勞問赤松

姚咨

郊居自遣

前溪烟水路漫漫，長日郊居性所歡。
老去自知雙鬢短，春歸一任百花殘。
閒窓寂寂晴絲繞，高樹陰陰鳥夢寒。
學易由來諳物理，慣將消息靜中看。

王懋明

袁江客思

琴書留滯賴江濱，迤邐東歸正及春。
啼鳥不知鄉國異，桃花空笑客囊貧。
看山幸自銷幽癖，沽酒無由覓故人。
飽歷風波倦行役，一丘端可寄閒身。

皇甫汈

普德寺

古寺城南訪六朝
高臺一望幾蕭條
門前黃葉催年暮
林下青山覺路遙
塔影常懸沙苑月
鍾聲靜帶楚江潮
老僧晏坐耽禪定
送客何曾過席橋

席丘送趙司空

席丘締賞逢初地
麟閣圖勲慶此筵
已見兵威銷草木
更看喜氣滿山川
諸天香梵留清響
子夜吳歌當凱旋
自愧陳琳老書記
欲從幕下賦燕然

題史考功池亭

名園十畝與城鄰
日夕風烟逐眺新
山對戶屏開作畫
水從金

谷瀉成春噀軒不斷啼花鳥閉戶時逢看竹人見說玄暉池尚在知君原是謝家身

寄許夔州

城開白帝鏡江連見說仙郎出守年
帝患已從鄰境去猿聲偏近郡齋前
相如文藻流巴蜀黃霸功名在潁川
應是漢庭求吏治非關相府賤英賢

贈萬都督

看君被服似儒生不獨能文慣論兵
三十擁麾當閫外一朝開府在西京
雅歌樹下留賓醉清嘯樓中料敵平
更道深山尋羽士功成應有赤松情

明詩錄 卷五
簡文待詔

寂寞山居興味寬
厭聞海上有波瀾
蛩鳴北戶秋聲起
鵲守南枝夜影寒
老至相如猶抱病
歸來陶令已辭官
點蒼山色渾能記
欲乞丹青作障看

蘇祐

署中即事呈寮長諸公

日長初試越羅衣
綠晝清陰坐不違
過眼慢驚風物換
遠心翻愛吏人稀
到簾花片依苔墜
隔巷鶯聲接燕飛
追逐仙曹殊濫竊
春風自長故山薇

屠應峻

遊城東觀

病起尋幽強杖藜，琳宮寂寂枕迴溪。
繁花向日俱宜笑，幽鳥逢春各異啼。
雲滿客衣庭樹合，氣薰山酌芷蘭齊。
郊行亦有桃源在，明日重來路不迷。

蔡汝楠

自題前山草堂

草堂舊結北山阿，逋客還家洽薜蘿。
遶院松林嵐翠重，滿庭蕉葉雨聲多。
清樽自對叢花發，高枕無如啼鳥何。
若道世情堪澹處，門前終日俯滄波。

吳子孝

光祿出秦楚藩提督太和宮

罨畫樓臺縹緲間金符玉勅領仙山松蘿初慰烟霞癖
紉履遙升帝豹關雲擁萬峰穿杳靄水流七澤聽潺湲
紫霄真境今飛躡日月宮中自往還

袁袞

宗伯昭過訪辱詩奉答

蓬戶蕭然仲蔚居忽傳高士駐文興憐君失意長為客
顧我窮愁強著書海內獨憐為客久花前猶恨綠樽虛
石湖新水晴如練好買扁舟去釣魚

王寵

和文待詔懷昭慶寺

明光起草五雲邊猶憶同寮雪竇禪
花雨戶床聽說法竹林茶鼎愛談玄
拂衣未許還廬社飛夢時能墜輞川
借問玉皇香案吏何如兜率鍊形仙

閒居

繞屋扶疎千樹林古臺鶯語晝沉沉
山童戲舞調雙鶴病客閒居習五禽
阮籍猖狂讐禮法仲長樂志薄朝簪
憑高更覺青冥遠弋者徒聞黃鵠音

黃省曾

與陳郡推乞丹砂床子